

粵西叢載

粵西叢載

汪碧巢編輯

粵西叢載

梅

國書藏版

西華集

五
集
不
臨
韓

嶺南遼阻昔人皆視爲畏途後之人覽其紀載所見異
辭所聞異辭所傳聞異辭未有不洞心駭目也如宋元
以上則有陳承韜南越記沈懷遠南越志劉欣期交州
記段公路北戶雜錄莫休符桂林風土記周去非嶺外
代答張田廣西會要范旻邕管雜記譚揆邕管溪洞雜
記胡珵蒼梧雜志楊孚南裔異物志交州異物志萬震
南州異物志劉恂嶺表錄異志孟瑄嶺南異物志房干
里南方異物志投荒雜錄范成大桂海虞衡志驂鸞錄
迨明之世則有葉繼熙臨桂雜識李文鳳月山叢談田
汝成炎徼紀聞張鳴鳳桂故桂勝王士性桂海志續張
七澤梧潯雜佩魏濟西事珥嶠南瑣記岳和聲續驂鸞

錄曹學佺名勝志謝肇淛百粵風土記鄺露赤雅凡計
二三十餘種或全帙猶存或斷簡無幾或僅存其目此
皆專於其地者也至其他散見者亦往往而有也余旣
輯粵西詩載文載而於諸家所述者僅能錄其一二竊
自哂其遺漏之多也因復念碑刻題名千載如一日也
行程日記萬里在目前也善良之軼事宜章僉王之穢
迹可鑒也閭閻世家非無盛事封疆大吏自有公評也
仙人釋子則道術不少神鬼妖魅則幻誕實繁也鳥獸
蟲豸多奇形竹木花草多奇產也風俗異其習尚飲食
異其嗜好也大則土官跋扈叛服不常小則山寇跳梁
劫掠無間也事物之變可喜可愕者不可殫記也爰復

爲蒐羅編次叢載三十卷獨是世不乏鄴侯插架而載
綈無因終屬渺聞渺見也聊就目之所涉者以補詩文
所未逮雖不足資雅人之博物亦庶以供客座之笑談
云爾

康熙四十四年乙酉夏六月弦日小方壺汪森序

粵西叢載目錄

卷一

各郡碑目

卷二

題名石刻

卷三

入粵紀程

卷四

入粵紀程

卷五

名賢軼事

卷六

名賢軼事

卷七

名賢軼事

卷八

總督軍務

卷九

薦紳盛事

卷十

雜品別紀

卷十一

仙道

卷十二

釋氏

卷十三

志怪

卷十四

志怪

卷十五

災祥

卷十六

疆理雜志

卷十七

瑣事雜記

卷十八

風氣俗習

卷十九

物產

卷二十

物產

卷二十一

物產

卷二十二

物產

卷二十三

物產

卷二十四

蠻種土司

卷二十五

歷代馭蠻

卷二十六

明室馭蠻

卷二十七

僭國叛寇

卷二十八

粵右蠻窟

卷二十九

粵右蠻窟

卷三十

粵右蠻窟

粵西叢載目錄

粵西叢載卷一

奉直大夫前廣西桂林太平兩府通判汪森編輯

靜江府石刻

陳思寶刻
叢編下同

唐平蠻頌

唐韓雲卿撰韓秀實分書李陽冰篆額大

曆十二年立

諸道石刻錄

按西原蠻在唐爲邊患久矣自

肅宗至德以來百餘年間諸蠻更相雄長乍服乍叛攻

桂管十八州所至焚廬舍掠士女元道州所謂城池井

邑但生荒草登高極望不見人烟蓋實錄也今此碑所

序大曆十一年賊帥潘長安僞稱南安王誘脅夸蠻連

跨州邑南距雕題交趾西控昆明夜郎北泊黔巫衡湘

流毒如彼其廣天子命隴西縣男昌瓚持節招討擒獲

元惡并其將帥八十四人生獻闕下其俘鹵二十餘萬
並給耕牛種糧令還舊居勛烈如此之著其列傳偶闕
而不書歐趙集古金石之文又偶不得此碑入錄鄉非
事著於碑而碑錄於余其遂無聞矣

集古錄後

唐新步虛詞十九首 茅山玄靜先生門人朝議郎守

太府卿韋渠牟撰貞元十七年立字畫清勁

諸道石刻錄

唐新開隱山六洞記 唐都防禦判官侍御史內供奉

吳武陵撰防禦衙推韓方明八分書并篆額李渤游於

州之西山其溪谷潭洞皆人所未嘗至者遂名之曰隱

山構亭榭於其上以寶曆元年八月立此記

集古錄目

唐隱山六洞記

唐韋宗卿撰李方古書寶曆元年

計道

石刻錄

唐杜鵑花詩二首 唐張濬及嶺南節度使劉崇龜唱

和杜鵑花詩二首前監察御史張巖書乾寧元年刻集古

目錄

唐新修堯舜二祠祭器記 唐趙觀文撰顏起正書并

篆額乾寧五年八月十五日建復齋碑錄

玄元綸言諸道石刻錄

容州石刻

唐景星寺碑 唐容州都督盧藏用撰并分書篆額開

元四年立諸道石刻錄

唐元結德政碑 唐大曆中立刻諸道石刻錄